



人事典第三十三卷

初生部紀事二

宋書符瑞志宋武帝居在丹徒始生之夜有神光照室其夕甘露降於臺樹皇考以高祖生有奇異名爲奇奴皇妣既殂養於舅氏改爲寄奴焉

南齊書南夷傳宋永初元年林邑王范楊邁初產母夢人以金席藉之光色奇麗中國謂紫磨金夷人謂之楊邁故以爲名

宋書范曄傳曄字蔚宗順陽人車騎將軍泰少子也母如廁產之額爲墻所傷故以墻爲小字出繼從伯弘之襲封武興縣五等侯

文帝袁皇后傳初后生劬自詳視之馳白太祖此兒形貌異常必破國亡家不可舉便欲殺之太祖狠狽至后殿戶外手撥幔禁之乃止

二凶傳元凶劬字休達文帝長子也帝卽位後生劬時上猶在諒闇故祕之二年閏正月方云劬生自前代以來未有人君卽位後皇后生太子唯殷帝乙既踐阼正妃生紉至是又有劬焉

始興

王濬字休明將產之夕有伏鳥鳴於屋上

南齊書武帝本紀世祖武皇帝諱賾字宣遠太祖長子也小諱龍兒生於建康青溪宅其夜陳孝后劉昭后同夢龍據屋上故字上焉

祥瑞志世祖宋元嘉十七年六月己未夜生無火婢吹灰而火自燃

異苑魏郡徐逮字君及婦平昌孟氏生兒頭有一角一脚頭正仰向通身盡赤落地無聲乘虛而去丹陽縣駱慶婦生一男一虎一狸狸虎毛色斑黑牙爪皆備卽殺之兒經六日死母無他異

元嘉中沛國武漂之妻林氏懷身得病而死俗忌含胎入柩中要須割出妻乳母傷痛之乃撫尸而祝曰若天道有靈無令死被壁裂須臾尸面赭然上色於是呼婢共扶之俄頃兒墮而尸倒

嵩高山記昔陽翟有婦人姪身三十月乃生子從母背上出五歲便入此山學道神明爲母立祠因號曰開母祠焉

南齊書王敬則傳王敬則晉陵南沙人也母爲女巫生敬則而胞衣紫色謂人曰此兒有鼓角相敬則年長兩腋下生乳各長數寸夢騎五色獅子

梁書高祖紀高祖武皇帝諱衍字叔達小字練兒以宋孝武大明八年甲辰歲生於秣陵縣同夏里三橋宅生而有奇異兩髀駢骨頂上隆起有文在右手曰武帝

太祖獻皇后張氏傳后生高祖初后常於室內忽見庭前菖蒲生花光彩照灼非世中所有后驚視問侍者曰汝見不對曰不見后曰嘗聞見者當富貴因遽取吞之是月生高祖將產之夜后見庭內若有衣冠陪列焉

任昉傳昉字彥昇樂安博昌人漢御史大夫敖之後也父遙齊中散大夫遙妻裴氏嘗晝寢夢有彩旗蓋四角懸鈴自天而墜其一鈴落入裴懷中心悸動既而有娠生昉

陶弘景傳弘景字通明丹陽秣陵人也初母夢青龍自懷而出并見兩天人手執香爐來至其所已而有娠遂產弘景

陳書高宗本紀高宗孝宣皇帝諱頊字紹世小字師利始興昭烈王第二子也梁大通二年七月辛酉生有赤光滿堂室少寬大多智略及長美容儀身長八尺三寸手垂過膝有勇力善騎射

徐陵傳陵字孝穆東海郟人也祖超之齊鬱林太守梁員外散騎常侍父摛梁戎昭將軍太子左衛

率贈侍中太子詹事諡貞子母臧氏嘗夢五色雲化而爲鳳集左肩上已而誕陵焉

唐書王遠智傳王遠智系本琅邪後爲揚州人父曇選爲陳揚州刺史母晝寢夢鳳集其身因有娠浮屠寶誌謂曇選曰生子當爲世方士

魏書太祖本紀太祖道武皇帝諱珪昭成皇帝之嫡孫獻明皇帝之子也母曰獻明賀皇后初因遷徙遊於雲澤旣而寢息夢日出室內寤而見光自牖屬天歛然有感以建國三十四年七月七日生太祖於參合陂北其夜復有光明昭成大悅羣臣稱慶大赦告於祖宗保者以帝體重倍於常兒竊獨奇怪

高祖本紀高祖孝文皇帝諱宏顯祖獻文皇帝之長子母曰李夫人皇興元年八月戊申生於平城紫宮神光照於室內天地氛氲和氣充塞

世宗本紀世宗宣武皇帝諱恪高祖孝文皇帝第二子母曰高夫人初夢爲日所逐避於牀下日化爲龍繞已數匝寤而驚悸旣而有娠太和七年閏四月生帝於平城宮

肅宗本紀肅宗孝明皇帝諱詡世宗宣武皇帝之第二子母曰胡充華永平三年三月丙戌帝生於

宣光殿之東北有光照於庭中

景穆十二王傳麗字寶掌拜雍州刺史爲政嚴酷吏人患之其妻崔氏誕一男麗遂出州獄囚死及徒流案未申臺者一時放免

昭成子孫傳元禎第五子瑞初瑞母尹氏有娠致傷後晝寢夢一老翁具衣冠告之曰吾賜汝一子汝勿憂也寤而私喜又問筮者筮者曰大吉未幾而生瑞禎以爲協夢故名瑞字天賜位大中大夫卒贈太常卿

高句麗傳高句麗者出於夫餘自言先祖朱蒙朱蒙母河伯女爲夫餘王閉於室中爲日所照引身避之日影又逐旣而有孕生一卵大如五升夫餘王棄之與犬犬不食棄之與豕豕又不食棄之於路牛馬避之後棄之野衆鳥以毛茹之夫餘王割剖之不能破遂還其母其母以物裹之置於暖處有一男破殼而出及其長也字之曰朱蒙其俗言朱蒙者善射也朱蒙子孫相傳至裔孫宮生而開目能視國人惡之及長凶虐國以殘破宮曾孫位宮亦生而視人以其似曾祖宮故名爲位宮高句麗呼相似爲位

古今圖書集成
北齊書齊高祖本紀高祖神武皇帝姓高名歡字賀六渾渤海蓀人也六世祖隱晉元菟太守隱生
慶慶生泰泰生湖三世仕慕容氏及慕容寶敗國亂湖率衆歸魏爲右將軍湖生四子第三子謚仕
魏位至侍御史坐法徙居懷朔鎮謚生皇考樹性通率不事家業住居白道南數有赤光紫氣之異
鄰人以爲怪勸徙居以避之皇考曰安知非吉居之自若及神武生而皇妣韓氏殂養於同產姊壻
鎮獄隊尉景家

寶泰傳初泰母夢風雷暴起若有雨狀出庭觀之見電光奪目駛雨霑灑寤而驚汗遂有娠葦而不
產大懼有巫曰渡河湔裙產子必易便向水所忽見一人曰當生貴子可徙而南泰母從之俄而生
泰

神武明皇后婁氏傳太后凡孕六男二女皆感夢孕文襄則夢一斷龍孕文宣則夢大龍首尾屬天
地張口動目勢狀驚人孕孝昭則夢蠕龍於地孕武成則夢龍浴於海孕魏二后並夢月入懷孕襄
城博陵二王夢鼠入衣下后未崩有童謠曰九龍母死不作孝及后崩武成不改服緋袍如故未幾
登三臺置酒作樂帝女進白袍帝怒投諸臺下和士開請止樂帝大怒撻之帝於昆季次寶九蓋其

徵驗也

武成皇后胡氏傳后天保初選爲長廣王妃產後主日鵲鳴於產帳上

周書太祖本紀太祖母曰王氏孕五月夜夢抱子昇天纔不至而止寤而告德皇帝德皇帝喜曰雖不至天貴亦極矣生而有黑氣如蓋下覆其身

武帝本紀高祖武皇帝諱邕字禰羅突太祖第四子也母曰叱奴太后大統九年生於同州有神光照室

宇文貴傳貴字永貴母初孕貴夢一老人抱一兒授之曰賜爾是子俾壽且貴及生形類所夢故以永貴字之

高琳傳琳母嘗被襖泗濱見一石光彩朗潤遂持以歸是夜夢見一人衣冠有若仙者謂其母曰夫人向所持來之石是浮磬之精若能寶持必生令子其母驚寤便舉身流汗俄而有娠及生因名琳字季珉焉

隋書高祖本紀高祖皇妣呂氏以大統七年六月癸丑夜生高祖於馮翊般若寺紫氣充庭爲人龍

顏額上有五柱入頂目光外射有文在手曰王

海山記隋煬帝生時有紅光燭天里中牛馬皆鳴先是獨孤后夢龍出身中飛高十餘里龍墮地尾輒斷以告文帝帝沉吟默塞不答

隋書房陵王勇傳長寧王儼勇長子也誕乳之初以報高祖高祖曰此卽皇太孫何乃生不得地雲定興奏曰天生龍種所以因雲而出時人以爲敏對

唐書太宗本紀太宗諱世民高祖次子也母曰太穆皇后竇氏生而不驚

高祖皇后竇氏傳太宗生有二龍之符后於諸子中愛視最篤

劉武周傳武周瀛州景城人父匡徙馬邑母趙嘗夜坐庭中見若雄鷄光燭地飛投其懷起振衣無有感而娠生武周

崔信明傳信明之生五月五日日方中有異雀鳴集庭樹太史令史良爲占曰五月爲火火主離離爲文日中文之盛也雀五色而鳴此兒將以文顯然雀類微位殆不高邪

李白傳白字太白興聖皇帝九世孫其先隋末以罪徙西域神龍初遁還客巴西白之生母夢長庚

星因以命之

安祿山傳安祿山營州柳城胡也本姓康母阿史德爲覲居突厥中禱子於軋磬山虜所謂鬪戰神者既而姪及生有光照穹廬野獸盡鳴望氣者言其祥范陽節度使張仁愿遣按盧帳欲盡殺之匿而免母以神所命遂字軋磬山

册府元龜唐史思明營州柳城人也與安祿山同鄉生先祿山一日思明以歲除日生祿山歲日生後俱以謀逆伏誅

鄭侯外傳李泌字長源趙郡中山人也六代祖弼唐太師父承休唐吳房令休娶汝南周氏初周氏尙幼有異僧僧伽從泗上來見而奇之且曰此女後當歸李氏而生三子其最小者慎勿以紫衣衣之當起家金紫爲帝王師及周氏既娠凡二年方寢而生泌生而髮至於眉先是周每產必累日困憊惟婉泌獨無恙由是小字爲順

開元天寶遺事張說母夢有一玉燕自東南飛來投入懷中而有孕生說果爲宰相其至貴之祥也唐書元宗皇后楊氏傳帝在東宮后以景雲初入宮爲良媛時太平公主忌帝而宮中左右持兩端

織悉必聞媛方娠帝不自安密語侍讀張說曰用事者不欲吾多子奈何命說挾劑以入帝於曲室自煮之夢若有介而戈者環鼎三而三煮盡覆以告說說曰天命也乃止生男是爲肅宗

肅宗皇后吳氏傳后侍太子忽寢厭不寤太子問之辭曰夢神降我介而劍決我脅以入殆不能堪燭至其文尙隱然生代宗爲嫡皇孫

大唐新語薛王業母早亡爲賢妃親自鞠養開元初業迎賢妃歸私第以申供養業同母妹淮陽涼陽二公主亦早亡業撫愛其子如己子元宗以業孝友特加親愛嘗疾上親爲祈禱及瘳幸其第置酒宴樂更爲初生之懽因賦詩曰昔見漳濱臥言將人事違今逢慶誕日猶謂學仙歸常棣花重發鵲原鳥再飛其恩遇如此

唐書張志和傳志和母夢楓生腹上而產志和

柳公綽傳公綽始生三日伯父子華曰興吾門者此兒也因小字起之

舊唐書劉濟傳濟幽州節度使劉怱之長子初母難產旣產侍者初見是一大蛇黑氣勃勃莫不驚走及長頗異常童所居室焚人皆驚救濟從容而出衆異之累歷牧宰及怱爲節度濟爲行軍司馬

怍卒軍人習河朔舊事濟請代父爲帥朝廷從之

因話錄崔吏部樞夫人太尉西平王女也西平生日中堂大宴方食有小婢附崔氏女耳語久之崔女頷之而去有頃復至王問有何事女對曰大家昨夜小不安適使人往候王擲筯怒曰我不幸有此女大奇事汝爲人婦豈有阿家體候不安不在家檢校湯藥而與父作生日耶吾有此女何用作生日爲遽遣擔子送歸身亦續至崔氏家問疾且拜謝教訓子女不至姻族聞之無不愧歎 有
人說李寶建節晉州表兄武恭性誕妄又稱好道及蓄古物遇寶生日無餉遺乃箱擎一故阜襖子與寶云此是李令公收復京師時所服尙書功業一似西平寶以書謝後聞知恭生日亦箱擎一破幘頭餉恭曰知兄深慕高貞求得一洪崖先生初得仙時幘頭願兄得道一如洪崖寶僚無不大笑志怪錄文獻公誕時一蛇自屋墜於前舉頭張喙久之方去及七日浴忽飄風暴雨劈其澡盆爲二片與母俱無驚動

輟耕錄虞文靖公集撰高昌王世勳碑序其世家曰畏吾兒之地有和林山二水出焉曰虎忽刺曰薛靈哥一夕有天光降於樹在兩河之間國人卽而候之樹生煙若人姪身然自是光恆見者越九

月又十日而壞裂得嬰兒五收養之其最穉者曰卜吉可罕既壯遂能有其民人土田而爲之君長傳三十餘君是爲玉倫的斤數與唐人相攻戰久之乃議和親以息民而罷兵於是唐以金蓮公主妻玉倫的斤之子葛勵的斤居和林別力跋力答言婦所居山也後遷交州至太祖龍飛朔漠當是時巴而木阿而忒的斤亦都護在位亦都護者其國王號也舉國入朝太祖嘉之妻以公主曰也立安敦自是子孫皆封王

錄異記湖南判官鄭郎中堯庭今爲連州刺史頃於岳下寄褐其兄魚監紉誕一男當生之時有鶴七隻盤旋居處至七日鶴又來至百二十日二十七鶴俱來天地晴朗雲物稍異皆經日而去所產之子性頗淳厚儀貌整肅卽以鶴爲名天復庚申年也四明山道士焦隱黃立傳記其事矣

通鑑王建賦斂重人莫敢言馮涓因建生日獻頌先美功德而後言之建愧謝自是賦斂稍損

馬令南唐書齊王景達傳順義四年旱七月旣望雪祀得雨景達以是日生因小字雨師

馬仁裕傳仁裕唐北平王燧裔孫世爲武寧軍校仁裕母方娠夢傳呼北平王來歸及生紫氣充庭五代史李嗣昭傳李嗣昭本姓韓氏汾州大谷縣民家子也太祖出獵至其家見其林中鬱鬱有氣

甚異之召其父問焉父言家適生兒太祖因遺以金帛而取之命其弟克柔養以爲子初名進通後改名嗣昭

南漢世家劉龔初名巖謙庶子也其母段氏生龔於外舍謙妻韋氏素妬聞之怒拔劍而出命持龔至將殺之及見而悸劍輒墮地良久曰此非常兒也

清異錄桑維翰壽辰韋潛德獻太湖石一塊上有鐫字金飾曰寵仙

遼史耶律乙辛傳乙辛字胡覲衰五院部人父迭刺家貧服用不給部人號窮迭刺初乙辛母方娠夜夢手搏羖羊拔其角尾旣寤占之術者曰此吉兆也羊去角尾爲王字汝後有子當王及乙辛生適在路無水以浴迴車破轍忽見湧泉迭刺自以得子欲酒以慶聞酒香於草棘間得二榼因祭東焉

女里傳女里以翼戴功加守太尉北漢主劉繼元聞女里爲上信任遇其生日必致禮

宋史和峴傳峴字晦仁開封浚儀人父凝晉宰相太子太傅魯國公峴生之年適會凝入翰林加金紫知貢舉凝喜曰我平生美事三著併集此子宜於我也因名之曰三美

劉沆傳沆字冲之吉州永新人祖景洪始楊行密得江西衙將彭玕據州自稱太守屬景洪以兵欲脅衆附河南景洪僞許之復以州歸行密退居不仕及徐溫建國以禮聘之不起官其子煦爲殿直都虞候父素不仕以財雄里中喜賓客景洪嘗告人曰我不從彭玕幾活萬人後世當有隆者因名所居北山曰後隆山山有牛僧孺讀書堂卽故基築臺曰聰明臺沆母夢衣冠丈夫曰牛相公來已而有娠迺生沆

范質傳質字文素大名宗城人父守遇鄭州防禦判官質生之夕母夢神人授以五色筆九歲能屬文

該聞錄開寶中神泉縣令張某者新到官外以廉潔自矜內則貪黷自奉其例甚多一日自榜縣門云某月某日是知縣生日告示門內與給事諸色人不得輒有獻送有一曹吏與衆議曰宰君明言生辰日意令我輩知也言不得獻送是僞也衆曰然至日各持緘獻之命曰續壽衣宰一無所拒感領而已復告之曰後月某日是縣君生日更莫將來無不嗤者得之於神泉進士黃鳳時王岳以鸞鸞詩諷之云飛來疑是鶴下處却尋魚最爲中的

宋史魏丕傳時楊承信帥河中或言其反側未安命丕賜承信生辰禮物陰察之還言其無狀

張士遜傳士遜字順之祖裕嘗主陰城鹽院因家陰城士遜生百日始啼淳化中舉進士

王欽若傳王欽若字定國臨江軍新喻人父仲華侍祖郁官鄂州會江水暴至徙家黃鶴樓漢陽人望見樓上若有光景是夕欽若生

禮志大中祥符五年十一月以宰相王旦生日詔賜羊三十口酒五十壺米麵各二十斛令諸司供帳京府具衙前樂許宴其親友旦遂會近列及丞郎給諫修史屬官俄又賜樞密使副參知政事羊三十口酒三十壺米麵各三十斛其後以廢務非便奏罷會而賜如故

聞見近錄寇忠愍知永興軍於其誕日排設如聖節儀晚衣黃道服簪花走馬承受具奏寇準有叛心真宗驚手出奏示執政曰寇準乃反耶先文正熟視笑曰寇準許大年紀尙騷耳可劄與寇準知上意亦解

談苑有一朝士因宰相生日獻詩卒章云長居廊廟福蒼生

明道雜志潞公以大尉鎮洛師遇生日僚吏皆獻詩多云五福全者潞公不悅曰遽使我考終命耶

有一客詩云綽約肌膚如處子蓋用莊子姑射仙人事也洛人笑之曰願爾得婦色若此潞公色黔也

宋史宋庠傳庠字公序安州安陸人後徙開封之雍丘父杞嘗爲九江掾與其妻鍾禱於廬阜鍾夢道士授以書曰以遺爾子視之小戴禮也已而庠生他日見許真君像卽夢中見者

滕元發傳元發初名甫字元發以避高魯王諱改字爲名而字達道東陽人將生之夕母夢虎行月中墮其室性豪雋慷慨不拘小節九歲能賦詩范仲淹見而奇之

范純仁傳純仁字堯夫其始生之夕母李氏夢兒墮月中承以衣裾得之遂生純仁

魏野傳野字仲先陝州陝人也世爲農母嘗夢引袂於月中承免得之因有娠遂生野及長嗜吟咏不求聞達

章得象傳得象字希言世居泉州高祖仔鈞事閩爲建州刺史遂家浦城得象母方娠夢登山遇神人授以玉像及生父奐復夢家庭積笏如山

段少連傳少連字希逸開封人其母嘗夢鳳集家庭寤而生少連及長美姿表倜儻有識度舉服勤